

娑宣滄

羅宗浪

館御

逸製

稿詩歌



娑
羅
館
逸
稿

屠
隆
著

中
華
書
局

叢書集成初編

滄浪權歌（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之二

統一書號：一七〇一八·一五一

娑羅館逸稿

此據寶顏堂秘笈
本排印初編各叢
書僅有此本

娑羅館逸稿卷一

消搖令

東海屠隆緯真甫著

挂冠歸去謝君王。脫朝衣。把布袍穿上。荷犂鋤。擲手板腰章。今日九重丹鳳闕。明朝千頃白鷗鄉。滿西湖。荷花正香。望東海。月輪初上。曲岸橫塘。畫橋蘭漿。只此處儘可容得疎狂。

烏樂

手提著閒中風月。一任他烏兔奔忙。肩擔著物外乾坤。都不管春秋來往。出火坑。總領的一味清涼。離苦海。安穩地喜無風浪。解憂悶。服了平胃散。除煩渴。飲了太和湯。俺想那華清宮。馬頭殘月。到不如白沙村。牛背斜陽。俺自有胸中丘壑。煞彊如名利場。則看你臉上烟霞。原不是公侯相。要買卻長生訣。又何須金玉千箱。待踏遍神仙府。剛只用芒鞋一緇。有甚商量。

挾飛仙

卻纔個謝恩辭。離仙仗。早想雲水瀟湘。猛回頭。渾不記舊日的蘭省郎。夜來時。夢早入在蘆花蕩。那漁翁推篷身臥滿天霜。幾曾聽。骨碌碌馬蹄忙。撲刺刺鳴鞘響。閃得人膽戰心慌。

重綠柳

俺也曾勤萬民。月色星光。俺也曾提三尺。天青日朗。俺也曾禱神明。驅龍禁鬼。俺也曾走猷猷。沐雨經霜。俺也曾中朝儀。衝寒筆飽三冬雪。俺也曾直紫禁。不寢衣熏五夜香。這也是俺爲官的理當。到如今早尋個燒殘紅燭。夢破黃梁。大英雄。苦沒個好吉局。盛筵席。卮裏有不散場。恨鏡中絲。不饒豪傑。墓前土。漸送侯王。你則看五街喧。車馬嚷。九門開。鼓樂張。官朝下趨丞相。滿園飛蓋花千樹。夾道紗籠燭兩行。轉盼也相堪惆悵。早花移別院。客散高堂。

洞簫曲

人得得意番魔障。也都有烏盡弓藏。兔死狐傷。牽大輜惶。唳鶴悲涼。摩挲眼界紅塵外。抖擻毛衣白日傍。也非狂蕩。不是荒唐。喜孜孜。策蹇出咸陽。

雷龍部曲

我也做不得載西施。范蠡的行藏。我也做不得醉東山。謝安的伎倆。也沒有鑑湖曲。君王恩賞。也沒有征虜亭。下官祖帳。也沒有漢成都。八百桑。也沒有晉陶潛。五柳莊。忒莽撞。扶目浮屍伍相亡。沒來由。采石沉埋李白狂。又何苦江潭憔悴靈均放。頂黃冠。瀟灑道人裝。裹青鞋。遶遍窮酸樣。無營無想。真個是隨緣分過時光。

大江東

駭世路。羊腸太行。論人心。羅刹瞿塘。委實難防。狠戈矛。從容笑裏藏。毒羽箭。一雲間中放。黑漆漆。裝下了

陷人坑。說瑞璫。直說出瞞天慌。那裏討一副奸人面孔。高力士肚腸。直弄得人裹鴟夷。飲劍鏖。那裏臣葬。大江逐山鬼。投烟瘴。毀壁成傷。剝肉成瘡。只你兩片唇。滅了九地。一隻手掩了三光。又誰知功曹直日無偏黨。儘生前摸糊上帝。拚死後抹殺閻王。

漁父

俺少時也有偌的志量。秉精忠。立廟廊。奮雄威。出戰場。去擎天捧日。做玉柱金梁。然後回頭辟穀休糧。今日裏。是天涯風波飽嘗。心兒灰冷。鬢兒蒼。因此上撒漫文章。捲起鋒鏑。結束田莊。急收回一斗英雄淚。打疊起千秋烈士腸。猛中酒迷花。也沒下場。便吟詩作賦。也沒情況。靈臺一點渾無恙。閒思想。且丟卻別人軀殼。早照管自己皮囊。

水紅蓮

你待要設機關。烹麟醢鳳皇。番做了走蛟龍。掣鎖開羅網。我猛擡身。青天碧海。何物不昂藏。纔踏步。勝水名山。是處皆開曠。這沒是非的眉頭日日揚。斷煩惱的情懷時時暢。來也何妨。去也何妨。轉堪憐。烏鳶死鼠。空自惹閒忙。

天門歌

淮陰辱。何須較。范丹窮。不用忙。老天分付休厮撞。雖然是歸來風景忒荒涼。也只落得無災障。蒹葭縫裳。沈澹爲糧。知短垣牆。小小茅堂。鬧嚷嚷。爲翔燕翔。亂紛紛。蜂忙蝶忙。細茸茸。花香草香。藤梢斜挂。蟲絲網。

晴雲房柳遮桃映新竹已成行

梨花月

斷霞紅海氣蒼。跳雨白。晚天涼。漲春流野塘。亂鳴蛙水鄉。鳥來山上弄紅光。船回浦口聞漁唱。六睡起。義皇上。拜陽谷。誦神王。

緯網絮

綺羅叢粉黛香。擁千鍾。食萬羊。天生福。這不是容易教人享。但青蘇白飯觀無極。濁酒清歌夜未央。醉來時。辛夷花發滿藤牀。醒來時。梧桐月色低羅幌。縱無榮也自然清曠。喚山妻稚子。問種幾株桑。

江流九曲

一從撇下紫游韁。番然提起烏藤杖。几席外。十洲三島。眉眼裏。玉戶金堂。仙姬毛女珠衣薄。口父從童羽蓋場。竊來的花間寶瑟。叨陪的石上壺觴。那時節。管甚麼越弱吳強。秦短周長。楚漢興亡。田寶參商。草沒齊梁。土掩隋唐。跳出陰陽。鸞鶴驂翔。呀。此乃是大丈夫生的勾當。又何須論那叢土中蜉蝣半晌。一笑回頭萬慮降。

尾聲

赤松黃石千年業。到青史總成虛誑。木落天高一夜霜。

娑羅館逸稿卷二

華亭陳繼儒仲醇校

與傅光華賁和六言詩各十首

門外馬頭塵。山間竹裏泉鳴。一語向君說破。此是大地火坑。

和

竹裏泉鳴非寂。馬頭塵起非喧。青蓮都在火裏。大道至此忘言。

其二

瓦解須交作土。土合還復成瓦。四大百年偶聚。愚夫卻認是我。

和

瓦上未有成毀。色空都得去來。悟卻菩提非樹。自然明鏡非臺。

其三

澹中得趣彌真。濃處回頭味短。飽時卽厭烹鮮。樂極番嫌絲管。

和

豈但濃非真味。元來澹亦全無。須是愛憎雙遣。寂然照見真吾。

其四

偶上前朝古墓。黃泥白骨英雄。爲是兒童弄影。不知影弄兒童。

和

死者不在黃泥。生者盡是白骨。便教影弄千回。影去兒童未沒。

其五

新聞喪我良友。不哀仰視秋髮。浮雲聚散常事。不聞人哭浮雲。

和

但愁此去錯路。何論歸來後先。假是沈郎出世。回頭我輩堪憐。

其六

萬劫從人迷悟。狐狸粉黛葳蕤。迷者認爲粉黛。悟者豈是狐狸。

和

迷悟元無二性。人妖豈有殊形。不見狂夫顛倒。狐狸也是娉婷。

其七

消流聊借造物。登覽何用亭臺。地僻松風還至。日落山月又來。

和

限日蒲團趺坐。遍覽三千大千。皎皎中秋月影。溝渠河海同圓。

其八

世事海瀾起滅。人身石火須臾。借問誰爲真我。元始上空寶珠。

和

世界何人非我。生平我是何人。畢竟真空無相。幽然與物同春。

其九

秉燭鄰家借火。乘筏渡口浮船。寶鏡多來自照。金針卽在身邊。

和

寶筏非從佛有。慧燈豈向人求。到來光明彼岸。燈筏無功可收。

其十

猗境未免生境。簡緣只是多緣。風霜霹靂半晌。依然一半青天。

和

晦朔河妨滿月。陰雲無礙青天。本是不生不滅。神仙安用長年。

贈僧四十六首

早起繁華盈條。晚來落英滿路。所以桃花比丘。卻向桃花得悟。

業謫若冰來魚凡情似石壓草諸天根盡還來。智人各爲不了。
昨日纔觀燈火明朝又賞花朝聖人知是苦處凡夫認作逍遙。
著境迺屬攀緣離境又增公案解得不著不離方是英雄手段。
枕上聒聒鳥聲窗前暉暉日色不知朝雨初過但見杏花狼籍。
鳥從蕤薄飛來人自蒲團出定竹間一縷疎烟松外數聲清磬。
天狐邪定遁天思媚情堅化石移此心向善提大道何憂不得。
善意立除金猊噴心卻感飛狸饒他萬行嚴飾不如一念修持。
拔藕非爲盜物聞香卽是偷花皂帛能容大碗白璧不受微瑕。
晚來獨坐平林玉界冰壺澄徹波光倒瀉青天霞氣亙流素月。
平居開口謗經疾病低頭禮佛高巾大袖寬衫一味胸中鶻突。
並坐彌迦長老傍立帝釋梵王此是棋逢敵手猶來執事當行。
臺下士女如雲臺上神天如雨不遇碧眼胡僧還怕閻王勾女。
我笑裴家老子顛倒妄譚佛理要從魚蒜雞豬了卻生老病死。
得果魁僧屠兒了道姪房酒肆古德從來有之公卻無此本事。
窗寒雲護簾衣林響風搖鈴索水流碧沼草開鳥蹋青枝花落。

夢中便失主張。死後安有欄柵。心神最忌紛飛。學道功先戒定。
一日失離桑梓。卻認并州故鄉。忽到應家門巷。依然本地風光。
林深室似僧寮。齋久廚同香積。魚來水面穿花。雀下階前爭食。
明鏡故自湛然。塵埃亦當勤拂。若悟空本無華。難道性中有物。
千層浪裏翻身。萬丈崖顛失足。獼猴裏在布裏。老鼠走在牛角。
片石愛他壘碓。山亭助我清虛。移樹低臨篠宥。補茅細剪枅櫨。
迦葉被下鉗鎚。支公猛施鍛鍊。苦口迺是良鍼。甘言轉成毒箭。
將死冤家出現。臨終幢蓋來迎。善惡惟心所造。總由機熟觀成。
超昇淪墮何常。地獄天堂迅速。念好火輪頭去。言善蓮花口來。
自笑莎羅道人。僻性耽愛芳春。歲歲譯將綺語。深深拜禱花神。
鳥啼山客猶眠。花落家童未掃。無論詩句能工。會見胸懷自好。
白楊墓上悲啼。紅粉筵中著鬧。未知卻後來由。布袋闍黎大笑。
口中狼籍輩腥。言低瀾翻佛理。任教亂墜天華。不信先生油嘴。
寶誌噉魚是幻。戒公食肉何曾。只許州官放火。不許百姓點燈。
水清照見鬚眉。鏡朗能分鬚漢。道人三明六通。實理何曾虛幻。

應說芝蘭鮑魚。學道須求良友。鑒湖湖上隱淪。虎林林中園叟。
未能見性明心。庶幾知足少慾。獨有一障未除。關地栽花種竹。
芒鞋草索布袍。花玉文犀宮錦。剎那傀儡千場。總破邯鄲一枕。
絕智道家行徑。剎心佛氏門風。壞盡山河大地。不關爛卻虛空。
世界真是從橫。事物由他好醜。迷人於此沈身。聖哲從茲了手。
見聞纏障心王。金屑翻爲目翳。胡僧自有別傳。獼猴何曾識字。
黃檗心印直截。大台教觀多般。雖然蹊徑差別。到來同是長安。
試看刑人博徒。終日何曾交睫。學道靜裏昏沈。卻繇生死不切。
我愛吳公公子。盛年早厭繁華。口中一味菜甲。舌底千片蓮花。
清虛一定超昇。種惡必然淪墮。何須身後差排。此是眼前因果。
中廚薄有盤飧。野客卻無苛禮。銜盃戒語市朝。揮塵只譚名理。
宮商蛙引歌喉。紅白骷髏粉頰。迷時何異嗜痂。悟後還同嚼蠟。
眼石華屋朱門。不異清泉白石。世界境有炎涼。道人心無喧寂。
夜靜寒生木榻。香殘讀罷楞迦。還好烟消院落。何嘗自照梨花。
山僧一喚輒行。朝廷三詔不起。大是彥國高標。堯夫何是知此。